



晉門醫品卷之三十四

東武王化貞元起父編輯

門人陳斌憲卿父較閱

妊娠諸病門

驗胎	安胎	轉胎	禁忌	惡阻	胎動	漏胎
驚胎	胎不長	下胎	子煩	子癰	子懸	子腫
子淋	轉胎	心腹疼	腰背疼	脹滿	欬嗽	吐衄
尿血	鬼胎	傷寒	痢疾	瘡疾		

論婦人妊娠感病既易調治又難不惟胎孕須保抑亦母命所關脉證與常不同藥味更多避忌今舉其大凡共二十六證治者審焉

一妊婦壯盛者不須服藥若胃弱血虛之人胎氣

不固。易致損墮。宜預服藥以安其胎。更審所墮之
月。保何經將養。卽用其經之藥。先一月前服之。初
成胎一月屬肝經。二月屬膽經。三月屬心經。四月
屬三焦經。五月屬脾經。六月屬胃經。七月屬肺經。
八月屬大腸經。九月屬腎經。至某月墮。卽知其經
虧損也。

一三月以前。形象始化。未有定儀。見物而變。欲得
男者。宜操弓矢。佩帶雄黃。萱草之類。使氣類潛通。
造化密移。可以轉女爲男。

一月遊胎殺。最宜避忌。經云。刀犯者形必傷。泥犯
者竅必塞。打擊者色青黯。繫縛者相拘攣。甚則母
殞。禍如反掌。藥物飲食。當忘者多。不可不慎。宜各
寫一紙。揭于妊婦房壁。時時在目。

一惡阻。謂惡心阻其飲食也。脉息和順。但肢體沉
重。頭眩擇食。惟嗜酸醎。甚者寒熱嘔吐煩悶。輕者
不須服藥。重者須用調理。

一妊娠胎動。或觸冒風寒。或跌仆擊觸。或怒動肝
火。或脾胃虛弱。輕者轉動不安。重者必致傷墜。

一胎漏。謂妊娠經水時下。由衝任氣虛不能約制。以致下血。血去既多。胎失所養。必致損重。急宜治之。

一驚胎。謂胎被驚觸也。懷孕將滿。胎神已具。或登高墜下。或遇物觸傷。以致腹疼下血。或致傷胎。

一婦人懷胎數月不見長者。因有宿疾。或由失調。氣血虛弱。而胎不長也。當治其疾。痰益其氣血。則胎自長矣。

一娠婦有疾欲去胎。或胎屢動不安。服藥不効。察其終不能存。不如早去之。以免害。

一子煩。謂妊娠苦煩悶也。係心肝虛熱。或痰積于胸。若三月而煩者。但熱而已。若痰飲而煩者。吐涎惡食。甚則胎動不安。

一子癩。由娠婦體虛受風。風寒相搏。則口噤背強。腰弓反張。亦名為瘕。須臾自醒。良久復作。

一子懸。謂妊娠胎上逼。心腹脹疼。胸滿噎氣。飲食少思。

一子腫。謂妊娠腫滿也。因脾虛水氣流溢。或瀉痢。

立門醫學
臍腑虛寒。或水漬于胞。不能分利。皆能致此。亦有三月之後。足膝腫出水。飲食不其。謂之子氣分媿。乃消。

一子淋。謂娠婦小便澀少也。由腎與膀胱虛熱。清濁相干所致。甚者心煩悶亂。宜審其虛實。滋養化源。不可專用滲利之藥。

一轉脬。由胎滿逼胞。胞系了戾。以致小便不通。名爲轉胞。胞逼于胎。不時尿出。則爲遺尿。以常法用藥多不効。但升舉其胎。胞系疎而小便自順矣。

一妊娠心痛及腹疼。或夙有冷疾。或新觸風寒。或痰飲相搏。疼甚則動胎。必致傷墮。

一妊娠腰背疼。因勞役傷損腎經。風冷乘之。腰腹相引而疼。胞繫腎。腰疼甚則胎墮。

一娠婦心腹脹滿。此脾胃虛寒。復因冷飲相搏所致。宜調補脾胃。升舉清氣。忌用剋伐。

一妊娠欬嗽。由肺虛腠理不密。寒邪乘之。則爲喘欬。不止恐傷胎。

一妊娠吐血衄血。由七情所傷。氣逆于上。以致吐

血不止則墮胎。有因而致成者。

一妊娠溺血。因熱在血分。血熱流滲于胞。因而尿血。以清熱為主。

一鬼胎。因其人榮衛虛損。精神疲弱。妖魅之類乘之。亦如懷娠之狀。

一妊娠傷寒。為息匪輕。多致傷胎。又有時氣。謂四時不正之氣所感。其證無少長。皆相類。發于五月以後者。為熱病。皆妊娠所忌。患之多致傷胎。若不急治。以致墮胎漏血。母命亦不可保。

一熱病傷胎。視其母面赤舌青。知其子死。面青舌赤。母死子生。唇青吐沫。子母俱死。若有雙胎。一死一活。急用平胃散加朴硝水銀下之。庶不並傷生者。

一妊娠下痢。腹痛胎氣不安。宜調補脾胃。則胎自安。仍參看痢疾本科。

一妊娠病瘧。多傷于胎。宜審內傷飲食。或外感風寒。及暑邪鬱怒所致。仍參瘧疾本科治之。

凡妊娠有疾。投以湯藥。衰其大半而已。使病去母

安胎亦無損

驗胎 一方

婦人經脉不行已經三月。未審是胎。以此探之。川芎為末二錢。濃煎艾湯空心調下。腹內微動。則有胎也。不動者為非胎。

安胎

五方。○與後胎動條及驚胎條參看

保胎散

白朮一兩。水煎濃汁。調黃芩末二錢服。或用條芩白朮等分。炒為末。米飲和丸。梧子大。每白湯下五

十九

安胎丸 妊娠常宜服之。庶無墮胎之患

當歸酒洗。川芎。白朮。藥酒炒。條芩酒炒。白朮炒。等分為末。酒糊丸。梧子大。每服五十丸。米飲下。凡瘦人血虛有熱。慣墮胎者。宜多服。或加炒阿膠五錢。千金保胎丸。凡婦人受胎。宜節飲食。絕慾戒怒。庶免半產之患。服此可以保全。

當歸酒洗。阿膠炒。條芩炒。續斷酒洗。香附童便浸炒。益母草。各二兩。川芎。陳皮。艾葉醋煮。各一兩。熟

地黃薑汁炒。白朮土炒。杜仲薑汁炒。各四兩。砂仁炒五錢。爲末。煮棗肉爲丸。如梧子大。每服百丸。空心米湯下。雲林方

芩藭補中湯 治懷孕血氣虛弱。不能榮養。屢致損

墮

黃耆炙。當歸酒洗。白朮炒。杜仲炒。白芍藥酒炒。各一錢。人參。芩藭。阿膠炒。各八分。乾薑煨。五味子。甘草炙。各五分。水二鍾煎一鍾。入木香末五分調服。婦人良方

妊娠懼墜。或三月五月。屢墜不已者。

先期兩月前。用杜仲八兩。糯米煎湯浸透。炒去絲。續斷二兩。酒浸焙乾爲末。山藥五兩。搗碎打糊爲丸。梧子大。每五十九丸。空心米飲下。簡便方

轉胎

三方

轉女爲男法

歌曰。桃樹東南枝。作柄親夫張。日自脩成。斧安床底。双朝下。無令人見。亦無令本婦知男即生。若置伏雛雞窠下。滿窠盡是雞之雄。雄黃一塊。綴其襠。

真陽氣化產仙郎。萱草將來簪左髻。宜男靈驗不尋常。腰繫弓弦百日間。轉女成男有萬千。或將夫婦手足剪。爪甲潛銷男即轉。雄雞長尾扯二莖。插安床下產男嬰。軒轅野雲傳此訣。其中玄理妙無窮。
本草綱目

又方

婦人始覺有孕。取弓弦一枝。縫袋帶於臂上。則轉女為男。房屋經云。凡覺有娠。取弓弩絃縛婦人腰下。滿百日解却。
紫宮玉女秘傳方

又方

婦人覺有妊。以雄黃一兩。絳囊盛之。佩於腰下。能使胎轉女為男。神妙。
千金方

禁忌

三方

胎殺忌 凡遊殺所在方位。不宜安床帳。及掃舍。十

干日遊胎殺。甲巳日占門。乙庚日占碓磨。丙辛日

占井竈。丁壬日占厨解。戊癸日占米倉。十二支

日遊胎殺。子丑日占中堂。寅卯辰酉日占竈。巳午

日占門。未申日占籬下。戌亥日占房。月遊胎殺。

立春在房床。驚蟄在戶。清源。清明在門。雙扇。立夏在竈。芒種在母身。小暑在竈。立秋在碓。白露在厨。寒露在門。立冬在戶。及厨。大雪在爐。及竈。小寒在房母身。

食忌

雞肉不可合糯米食。鴨子不可共桑椹食。羊肝。雞。鯉魚。鱸。犬肉。兔肉。雀肉。團魚。螃蟹。皆不可食。慎之。

藥忌

除荒青。斑蝥。蜈蚣。蛇。蠍。蜈蚣等一切毒蟲。烏頭。側

子。躑躅。野葛。藜蘆等一切毒草。金石。水銀。硃砂。錫粉等一切毒物。不可用。即尋常服餌之品。能損胎傷孕者。俱宜忌之。歌曰。槐子。牽牛。連皂。角。藺。茹。瞿麥。與。茅。根。薏。苡。壯。丹。同。巴。豆。天。雄。附。子。暨。桃。仁。牛。膝。三。稜。紅。芽。戟。半。夏。通。草。天。南。星。赤。箭。芫。花。消。苾。朴。乾。薑。胡。蒜。黃。雌。雄。牛。黃。代。赭。胡。粉。麩。蝟。皮。蟹。爪。乾。漆。同。說。與。婦。人。產。前。忌。此。歌。熟。憶。在。胸。中。

惡阻 七方

人參橘皮湯 治妊婦嘔吐痰水食少倦怠

妊娠

人參。橘紅。白朮炒。麥門冬。去心。白茯苓。各一錢。厚
朴。薑製。甘草炙。各五分。竹茹一團。薑三片。水二鍾
煎一鍾。食遠服。婦人良方

又方

當歸酒洗。白芍藥炒。陳皮。香附炒。白朮炒。半夏薑
湯泡過。香油炒。白茯苓去皮。藿香。神麴炒。砂仁炒。
各八分。甘草炙四分。生薑三片。棗一枚。水二鍾煎
一鍾。溫服。玉機微義

白朮湯 治胃虛惡阻吐水。甚至十餘日。粥漿不入

用白朮炒一錢。人參五分。丁香。甘草炒。各二分。薑
二片。水一鍾煎六分服。婦人良方

又方

縮砂仁炒為末。每服二錢。薑湯或米飲下。心鏡

妊娠吐水作酸。心腹痛。不能飲食

人參去蘆。乾薑炮。等分為末。以生地黃汁和。丸梧
子大。每服五十九。米湯下。劑局方

妊娠惡阻。氣不升降。嘔吐酸水。飲食不進

香附子炒一兩。藿香葉。甘草。各二錢。俱為細末。沸

湯入鹽調服三錢 聖惠方

妊娠嘔逆不食。甚者腹痛傷胎

半夏泡炒黃陳皮砂仁炒各一錢白茯苓二錢甘草炒五分用烏梅一個薑三片棗二枚水二鍾煎一鍾溫服 婦人良方

胎動 十四方 與前安胎條後驚胎條參看

妊娠胎動不安

香豉一升葱一升水三升煮取一升入炒阿膠二兩化服或用炒阿膠熟艾葉各二兩葱白一合水

四升煮一升分服 產寶方

又方

秦艽甘草炙鹿角膠炒等分爲末每服三錢用糯米煎湯服或用阿膠炒成珠艾葉秦艽等分入糯米煎服 聖惠方

又方

硃砂末一錢雞子白三枚和勻頓熟服之胎死即出未死即安 普濟方

胎動不安及數傷胎下血不止

鯉魚一個治淨。阿膠炒一兩。糯米二合。水二升。入葱薑橘皮各少許。煮糜食。五七日效。聖惠方

妊娠胎動。或子死腹中。血下疼痛。口噤欲死。服此探之。不損則痛止胎安。已損則立下。神妙方也。屢驗。

當歸酒洗二兩。芎藭一兩。為麤末。每服三錢。水一盞。煎令泣泣欲乾。投酒一盞。再煎至半盞。溫服。或灌之。約人行五里再服。不過三服。備急方

胎動欲產。日月未足者。

蒲黃二錢。并華水調服。集驗方

胎氣不安。氣不升降。嘔吐酸水。

香附炒。藿香。甘草。等分為末。每服二錢。入鹽少許。沸湯服之。聖惠方

黃耆湯 治氣虛胎動。腹痛下水。

急用糯米二合。黃耆炒二兩。川芎酒浸一兩。水四碗。煎二碗半。分三次服。若胎已死。宜用平胃散加朴硝腐化之。婦人良方 平胃散方見本門熱病條。

妊娠胎動。水黃如膠。或如豆汁。

用小黃米。即秫米。黃耆蜜炙。各一兩。水五碗。煎二

碗分三服 梅師方

安胎寄生湯 治妊娠下血胎不安或腰腹作疼

桑寄生白朮炒各五分白茯苓四分甘草炙一錢

水一鍾煎半鍾溫服 婦人良方

又方

川芎二兩葱白五兩水三碗煮二碗分三服 婦

人良方

胎動欲墜腰痛下血氣上搶心

急以菖蒲根搗汁一二鍾服之即効 千金方

胎動下血或胎已死

百草霜二錢櫻灰一錢伏龍肝五錢為末每服二

錢白湯入酒及童便調下 筆峯雜典

釣藤湯 治胎動腹痛面青冷汗氣欲絕者

釣藤鈎當歸酒洗茯神去太人參去蘆桑寄生各

一錢桔梗一錢水鍾半煎八分溫服 婦人良方

胎漏 十二方○與前胎動條參看

胎漏下血

益智仁半兩縮砂仁一兩為末每服三錢空心白

湯下。日二服。胡氏方

又方

蓮房燒研。麩糊丸。梧子大。每服百丸。湯酒任下。日

二服。朱氏集驗方

又方

黃蠟一兩。老酒一碗。鎔化。熱服即止。本草綱目

又方

五倍子為末。二錢酒調服。朱氏集驗方

又方

條芩。白朮。砂仁。阿膠。各炒等分。為細末。每服二錢。

艾湯調下。婦人良方

二黃丸。治胎漏下血。或發熱頭疼。眩暈煩躁。

生地黄。自製熟地黄。各二兩。白朮炒。枳殼麩炒。各一兩。為末。將二黃杵為膏。入白朮枳殼末為丸。每

服六七十九丸。米飲下。婦人良方

妊娠胎漏。下血不止。血盡則胎傷。

雞子黃十四枚。好酒二升。煮如飴服之。未瘥再作。以瘥為度。不飲酒者。入醋同水煮之。普濟方

妊娠

又方

阿膠三兩炒為末。酒一升半。煎服即愈。

梅師方

又方

鹿角屑。當歸。各半兩。水三盞。煎盡半。頓服。

普濟方

安胎散

治妊娠因冷熱不調。七情失宜。卒然下血。若傷於胎。則痛而下血甚。則胎墮。

白芍藥。黃耆。阿膠。甘草。各炒。地榆。自製熟地黃。艾

葉。川芎。當歸。酒洗。各五分。薑三片。棗二枚。水一鍾。

煎半鍾。溫服。

婦人良方

子芩丸

治肝經有熱致血妄行。

細條黃芩炒為末。每服一錢。以秤錘燒赤。淬酒熱

調服。脾胃虛者勿用。

婦人良方

防風丸

治脾經有風。血得風而流散。以致妄行。

防風為末。每服一錢。白湯調服。

婦人良方

驚胎

七方。○與前安胎條及胎動條參看。

懷胎偶有所觸。或跌墮傷損。致腹不安。痛不可忍者。

用縮砂連皮炒焦。去皮搗碎。每服二錢。熱酒調下。

須臾覺腹中極熱。胎動即無事。

孫尚藥方

妊娠

又方

青竹茹三兩。酒水各一碗。煎一碗服。

子母秘錄

佛手散 治全上

當歸。川芎。各五錢。水酒各半鍾。煎五分。溫服。

膠艾湯 治妊娠顛仆。胎動不安。腰腹疼痛。或胎上

搶心。或下血腹痛。

阿膠一兩炙焦。艾葉三錢。水二碗。煎碗半。分二服。

婦人良方

又方

川芎末二錢。酒下。二服即安。胎死即下。

婦人良方

妊娠從高墜下。腹痛不止。

生地黃。益母草。各二錢。當歸酒洗。黃耆蜜炙。各一

錢。薑三片。水鍾半。煎八分服。

婦人良方

婦人妊娠為夫所動。因絕。

竹瀝飲一鍾。立愈。

產寶方

胎不長

二方

黃耆湯 治妊娠體倦少食。面黃晡熱。胎不長。

黃耆蜜炙。白朮炒。陳皮。麥門冬去心。白茯苓。前胡。

人參去蘆各八分。川芎五分。甘草炙三分。薑三片。棗二枚。水鍾半煎七分服。婦人良方

又方

用鯉魚長尺許。治如食法。飲其汁。其胎即漸大而長。本草綱目

下胎 七方

桂心散

治妊娠因病胎不能安者。可下之。

桂心。瓜蒌仁。牛膝。瞿麥。各五分。當歸尾一錢。水

鍾煎七分服。婦人良方

又方

榆白皮煮汁服。二盞即下。子母秘錄

又方

用麥蘖一升搗碎。水二升煮一升。服之即下。觀此則知麥蘖損氣破血。虛人不宜用也。婦人良方

又方

牛膝一兩。酒一鍾。煎七分。作二服。婦科心鏡

又方

蟹爪二合。桂心。瞿麥。各一兩。牛膝二兩。為末。空心

溫酒服一錢 千金方

又方

蜥蜴肝。蛇蛻等分。研以醋和勻。摩妊婦臍上及左右。令溫。胎即下。 聖惠方

佛手散 治胎痛服之即安。胎損服之立下

方見前驚胎條

子煩 七方

知母散 治妊婦煩燥悶亂

知母。麥門冬去心。黃耆蜜炙。子芩炒。赤茯苓。各三

錢。甘草炙五分。水二鍾煎一鍾。去渣入竹瀝一合。

再煎二沸服

又方

以竹瀝頻頻飲之 本草綱目

竹茹湯 治妊娠煩燥。或胎不安

淡竹茹一兩。水二鍾。薑二片。煎一鍾服 婦人良方

又方

知母炒為末。棗肉丸。彈子大。每服一丸。人參湯下 本草綱目

竹葉湯 治妊娠煩悶

黃芩炒。防風。麥門冬。去心。各一錢。白茯苓二錢。竹

葉七片。水鍾半。薑一片。煎八分服。外臺秘覽

人參黃耆散 治娠婦煩燥。身熱口乾

人參去蘆。黃耆蜜炙。葛根。秦艽。赤茯苓。麥門冬。去

心。各一錢。知母。甘草炙。各五分。薑三片。竹葉十五

個。水二鍾煎一鍾服。婦人良方

妊娠煩悶不得臥。口乾目溢

黃連末。每服一錢粥飲下。為丸亦可。婦人良方

子癇 三方

釣藤散 治子癇。風瘕。角弓反張。及頭運

釣藤鈎。陳皮炒。半夏薑製。麥門冬。去心。白茯苓。茯

神。人參去蘆。甘菊花。防風。各一錢。甘草炙三錢。石

膏煨二錢。水二碗。薑三片。煎碗半。食遠服。婦人良

方

羚羊角散 治子癇。胃昧。目吊。口噤。反張

當歸酒浸。川芎。防風。獨活。白茯苓。五加皮。薏苡仁。

杏仁去皮尖。酸棗仁炒。各五分。羚羊角鎊七分。甘

普門醫品
草炙四分。生薑五片。水二鍾煎一鍾。入木香末二分調服。醫統

又方

縮砂連皮炒黑研末。熱酒調下二錢。不飲酒者米飲下。此方安胎止痛。功效不可具述。溫隱居方

子懸

六方

紫蘇飲 治子懸。上衝腹痛。或臨產驚恐氣結。連日不下。或大小便不利。

當歸。甘草炒。大腹皮製。人參去蘆。川芎。橘皮。白芍藥炒。各五分。紫蘇一錢。薑三片。葱白二枝。水二鍾煎八分服。婦人良方

又方 治胎上逼。心腹熱痛。下血。或煩悶困篤。

葱白二十莖。濃煎水飲。胎未死即安。已死即下。未効再服。若唇口青黑。手足厥冷。須佐以當歸湯。

當歸湯 治妊娠子懸煩燥。或生理不順。唇青厥逆。

用當歸。人參去蘆。阿膠炒。甘草炒。各一錢。水四碗煎至二碗。去渣入連根葱白一握。再煎至一碗。分二服。婦人良方

胎上冲心

葡萄煎湯飲之即下 聖惠方

又方

用弓弩弦繫腰立下 醫林集要

胎上搶心或下血者

生麴餅研末水和絞汁服 肘後方

子腫

八方

全生白木散

治妊娠面目虛浮四肢腫如水氣

白木土炒一兩生薑皮大腹皮製陳皮白茯苓各

半兩為末每服二錢米飲下日二服 婦人良方

又方

羌活蘿蔔子同炒香只用羌活為末每服二錢溫

酒調下三服即愈 本事方

又方

卮子一合炒研每三錢米飲下丸服亦可 丹溪方

澤瀉散

治妊娠遍身浮腫上氣喘急大便不通小

便赤澀

澤瀉桑白皮炒木通枳殼麩炒檳榔赤茯苓各八

分薑三片。水一碗煎半碗。空心溫服。醫統

妊娠水腫小便不利惡寒

赤茯苓去皮。葵子。各半兩為末。每服二錢。食前新

汲水下。禹講師方

鯉魚湯 治子腫腹大有水氣

白朮土炒五兩。白茯苓四兩。當歸酒洗。白芍藥炒。

各三兩。先以小鯉魚一個。如食法煮取汁。每汁二

盞。入藥五錢。薑七片。檳皮少許。煎七分空心服。干

金方

妊娠從脚腫至腹。小便不利。口渴引飲

猪苓為末。熱水調服二錢。子母秘錄

天仙藤散 治婦人有水氣而成胎。以致足膝浮腫。

行步艱辛。喘悶少食。脚指間有黃水出

天仙藤洗畧炒。香附子炒。陳皮。甘草炙。烏藥軟白

辣者。各等分。每服五錢。土薑木瓜。紫蘇葉。各三片。

水一鍾煎半鍾。日三服。陳景初方

子淋 八方

妊娠小便澀痛

冬葵子。滑石。木通。等分。每五錢。葱白七寸。水一鍾煎六分。空心服。婦人良方

又方

蕪菁子末。空心熱水服二錢。日二服。子母秘錄

安樂散 治全上

麥門冬去心。通草。滑石飛。當歸酒洗。燈心。生甘草。人參去蘆。細辛。各五分。水一重煎六分。空心溫服。

婦人良方

火府丹 治心經積熱。小便澀及五淋。亦治渴。

生地黄二兩。杵膏。木通。黃芩炒。各一兩。為末。入煉蜜丸。桐子大。每三十九。木通煎湯下。婦人良方

妊娠小便澀痛。心煩悶亂。

麥門冬去心。赤茯苓。木通。淡竹葉。各一錢。水一碗煎七分。空心服。

妊娠患淋。熱疼酸楚。手足煩痛。

地膚子二兩。水一碗。煎半碗。空心服。三服即愈。子母秘錄

又方

猪苓為末。熱水調服二錢。日二服。通為度。小品方

又方

滑石粉水調。塗臍下二寸。外臺秘要

轉脬 十方。○附遺尿

妊娠小便閉。臍腹作脹。此胃氣虛。胎壓尿管所致。

當歸酒洗。川芎。芍藥酒炒。熟地黃。半夏。白茯苓。

陳皮。甘草炙。人參去蘆。白朮土炒。各一錢。水二鍾。

煎一鍾。食遠溫服。服後探吐數次即愈。婦人良方

又方

葵子研。榆白皮切。各一兩。葱白七莖。水四鍾煎二

鍾。分三服。婦人良方

又方

杏仁去皮尖。沙黃。搗丸。燈心湯吞七粒。古今錄驗

又方

車前草汁調滑石末。塗臍周圍四寸。熱易之。心鏡

又方

杏仁去皮尖。滑石飛。等分共搗。飯丸小豆大。每服

二十九。葱白湯下。婦人良方

妊婦氣血虛弱。胎壓膀胱。小便不通

用床將妊婦托住倒竖起。其胎自運。溺自濺出。丹

溪方

妊娠轉脬。因過忍小便而致

滑石飛。葱湯服一錢。聖惠方

妊娠遺尿不禁

桑螵蛸十二箇炙為末。分二服。米飲下効。產乳書

又方

雞屎燒灰。酒服二錢。產寶方

又方

白微製。白芍藥炒。等分為末。用好酒食前調服。二

錢。日三服。千金方

心腹疼 十五方

妊娠心疼

五靈脂。蒲黃。各二錢研末。醋二杯調熬數沸。入水

一盞煎至七分。連渣熱服。未止再服。和劑局方

妊娠心痛煩悶

麻子仁一合研。水二盞煎六分。去滓服。聖惠方

妊娠心疼不可忍

鹽一撮燒赤淬酒服即安 產寶

妊娠卒然心痛氣欲絕者

川芎當歸酒洗白茯苓厚朴薑製各一錢水一鐘

煎半鐘服 婦人良方

又方

雞子一枚傾入酒內和服 本草綱目

又方

金銀藤一味煎湯時時飲之 婦人良方

又方

桔梗一兩薑半兩水煎服 婦人良方

又方

鹽半盞溫水調服仍以冷水嚥面得吐即安 婦人良方

良方

又方

竈心土研末每服二錢白湯調下 婦人良方

又方

用熟艾二兩水二碗煮一碗服並治心腹痛或吐

血衄血 婦人良方

當歸芍藥湯 治妊娠心腹急痛。或去血過多眩暈。

用白芍藥酒炒。當歸酒洗。白茯苓。白朮炒。澤瀉。各

一錢。川芎二錢。水二鍾煎一鍾溫服。婦人良方

妊娠腹痛

車轄脂燒末二錢。酒一盞調飲之。千金方

又方

枳殼三兩麩炒。黃芩一兩酒炒。每服五錢。水盞半

煎一盞服。若脹滿身重加炒白朮一兩。活法紀要

腹疼胎欲落

白銀五兩。茅根一斤。水三碗煮至二碗。入酒一鍾

再煎數沸。徐徐服立安。金銀首飾亦可。婦人良方

鐵罩散 治妊娠觸怒腹痛。胎動不安

香附子炒為末。濃煎紫蘇湯服二錢。或加炒砂仁

尤妙 中藏經

腰背疼 六方

杜仲丸 治妊娠腰背痛

杜仲炒。續斷酒浸。等分為末。煮棗肉為丸。梧子大。

每服七十九酒下。米飲亦可。婦人良方

膠艾湯 治同上

方見本門驚胎條

妊娠腰痛如折

用銀一兩。水二鍾煎一鍾。服之即止。子母秘錄

又方

鹿角截五寸長。燒赤。淬酒中。入燒。又淬。如此數次。

細研。空心酒服二錢。產寶方

通氣散 治妊娠腎虛腰痛神妙

破故紙炒為末。空心每服二錢。嚼連皮核桃仁半

個。溫酒下。婦人良方

脹滿 二方

下氣湯 治心腹脇肋脹滿。飲食少思。四肢無力

羌活。赤芍藥炒。甘草炒。檳榔。青皮醋炒。大腹皮製。

陳皮。赤茯苓。半夏薑製。桑白皮炒。各五分。桂心二

分。紫蘇梗一錢。水鍾半煎八分服。婦人良方

紫蘇飲 治全上

方見本門子懸條

欬嗽 六方

金沸草散 治肺受風邪。頭目昏疼。咳嗽聲重。涕唾

稠粘。

荆芥穗一錢。前胡。麻黃。旋覆花。各七分。甘草炙。赤芍藥炒。半夏製。各五分。薑棗煎服。婦人良方。

又方

貝母去心麩炒黃。為末。沙糖和丸。芫子大。每于食後含嚥。一丸。神効。救急良方。

華蓋散 治肺感寒邪。欬嗽聲重。鼻塞頭眩。項背拘

急。時發寒熱。

紫蘇子炒。陳皮。赤茯苓。桑白皮炒。麻黃。各一錢。甘草炙五分。薑三片。葱白一枝。水一鍾半。煎七分。食

後服。婦人良方。

旋覆花湯 治感冒喘嗽。胸滿痰盛。

旋覆花。赤芍藥。前胡。半夏麩。甘草炙。荆芥穗。白茯苓。五味子。杏仁去皮尖炒。麻黃去節。各等分。每服四錢。薑三片。棗二枚。水一鍾。煎五分。臨卧服。有汗者莫服。婦人良方。

人參平肺散 治夏月咳嗽喘嘔痰涎壅盛

人參去蘆青皮麩炒白茯苓天門冬去心陳皮地骨皮桑白皮製各一錢甘草炙五分知母七分五味子十粒薑三片水二鍾煎八分食後服 東垣方

吐衄 四方

四生丸 治吐血衄血

生荷葉生艾葉生栝葉生地黄各等分研爛丸彈子大每服一九水煎去粗服 丹溪方

柔脾湯 治虛熱吐血衄血汗出

甘草炒白芍藥炒黃耆各半兩自製訖地黄一兩五錢每服五錢水酒各半鍾煎半鍾服 婦人良方

紫蘇飲 治氣逆吐衄

方見本門子懸條

加味小柴胡湯 治怒動肝火吐衄及溺血下血

柴胡錢半半夏製八分人參去蘆七分甘草六分山梔仁炒黃芩酒炒生地黄各一錢水鍾半薑三片棗二枚煎七分服 冲景方

尿血 六方

妊娠尿血

豆醬一盞熬乾。生地黃二兩焙為末。每食前米飲
下一錢普濟方

又方

生地黃一斤。酒四升。煮二升。分三服。婦人良方

又方

取夫瓜田燒灰。酒服。千金方

又方

生艾葉一斤。酒五升。煮二升。分三服。婦人良方

又方

葵子三合研細。水二碗煮取汁八分。食前溫服。日

三本草綱目

又方

阿膠炒黃為末。食前粥飲下二錢。聖惠方

鬼胎三方

斬鬼丹 治鬼胎如抱一甕

吳茱萸川烏炮秦艽柴胡僵蠶等分為末煉蜜丸
梧子大每七丸蜜酒送下取出惡物愈。丹溪心法

雄黃丸 治鬼胎瘀血腹疼

雄黃飛。鬼白去毛。莽草。硃砂飛。巴豆去油。獺肝炙黃。各半兩。蜥蜴一枚炙黃。蜈蚣一條炙黃。為細末。蜜丸桐子大。每服二丸。空心溫酒下。日二服。或下如蛇蟲之類。其病乃除。
婦人良方

娠婦腹內鐘鳴。或如鬼哭。

鼠穴中土。研為末。入麝香少許。酒調服二錢。立愈。

或以黃連濃汁呷之。

薛氏醫案

傷寒

二十方。與三卷傷寒門參看。

阿膠散 妊娠患時氣。先服此安胎。仍與主藥間服。阿膠炙焦。白朮炒。桑寄生。人參。云蘆。白茯苓等分。為末。每服二錢。糯米飲調下。日二服。
婦人良方

二方

伏龍肝為末一錢。雞子清少許。水調服之。仍以水

和塗臍方寸。乾再上。
傷寒類要

白朮散 治傷寒及熱病。服此保胎。

白朮炒。黃芩酒炒。各二錢。水一鍾。薑三片。棗二枚。煎半鍾服。四肢厥逆者不用。
婦人良方

熱病用此以安胎氣

井中泥塗心下乾則易本草綱目

又方

用青羊屎研爛塗臍外臺秘要

又方

伏龍肝細研。芎用一錢。水調塗臍下。或加井底泥。

青黛等分研塗臍中。乾即易醫統

麥門冬湯 治傷寒壯熱嘔逆頭疼胎氣不安

人參去蘆。石膏煨。各錢半。竹茹。前胡。黃芩。酒炒。各

五分。葛根。麥門冬。去心。各一錢。水二鍾。薑三片。棗

二枚。煎八分。溫服婦人良方

柴胡石膏湯 治妊娠頭疼惡寒身熱拘急口乾

柴胡二錢。甘草一錢。石膏煨三錢。水鍾半。薑三片

煎八分。服。如氣虛加人參八分

葛根飲子 治時氣煩熱口乾頭疼

乾葛。麻黃去根節。各半兩。石膏煨一兩。豉一合。粳

米半合。梔子十四個。葱白二莖。水三碗。煎二碗。分

三服。汗出為効婦人良方

婦人良方
妊娠感冒風寒。狀如中風。不省人事。

用煎艾三兩。米醋炒極熱。以絹包熨臍下。良久即

甦。婦人良方

清熱飲子。治時氣六七日。大小便不利。

芒硝一兩。研。葵子微炒二兩。水煎服。以利為効。

孕婦傷寒。大熱煩渴。恐傷胎氣。

嫩捲荷葉。焙半兩。蚌粉二錢半。為末。每服三錢。新

汲水入蜜調服。並治熱病。鄭氏方

妊娠熱病。頭疼嘔吐煩悶。

知母二兩。蘆根二兩。麥門冬去心兩半。青竹茹。葛

根。各一兩。每用四錢。連根葱白三寸。水一鍾。煎六

分。溫服。一方加人參一兩。婦人良方

梔子仁散。治熱病發黑斑。小便赤。氣喘急。胎欲落。

梔子。升麻。石膏。生地黃。各二兩。黃芩。大青。各一兩。

如無大青。即用青黛。共為末。每服半兩。葱白七寸。

豉四十九粒。水一鍾。煎六分。溫服。

又方

車轄脂燒末二錢。酒一盞。調飲之。一方用艾葉四

錢酒二鍾。煮一鍾半。分二服。傷寒類要

妊娠熱病。面赤舌青者。其胎必死。亟宜下之。

朴硝研末。童子小似和熱酒調服三錢。立下。

又方

紅花一碗。酒三升。煮汁飲之。即下。婦人良方

佛手散 生胎即安。死胎即下。

方見本門驚胎條

又方

伏龍肝為末。溫酒或白湯調下二錢。婦人良方

加味平胃散 治見論

蒼朮炒。厚朴製。陳皮。各錢半。甘草炙八分。水一鍾。

煎七分。去渣入朴硝三錢。煮化服。下再服。婦人良方

良方

痢疾

六方。與八卷痢疾門參看

妊娠下痢

禪帶三寸。燒研水服。千金方

又方

梔子炒為末。每服二錢。白湯調甚効。

妊娠下痢日夜百餘行者

椽實二兩。楮葉炙一兩。為末。每服一錢。食前烏梅

湯調下 聖惠方

妊娠下痢肚腹絞疼

用烏雞子一枚。開孔去白。留黃。入黃汁一錢在內。

厚紙裹定。泥固煨乾為末。每服三錢。米飲下。一服

愈者是男。兩服愈者是女

妊娠下痢腹疼小便澀滯

糯米一合。當歸炒。黃耆蜜炙。各一兩。水煎分四服

補中益氣湯 治久痢不止

方見五卷內傷門

瘧疾 三万。○與七卷瘧疾門參看

七寶散 治妊娠瘧疾不拘一日一發或間日一發

或一日兩發者

常山。厚朴薑製。青皮麩炒。橘紅。甘草炒。檳榔。草果。

等分。每用五錢。酒水各一盞。煎一盞。去粗露一宿。

發時面東溫服。良久再服。一劑即愈。婦人良方

又方

常山酒蒸。石膏煨。各一錢。烏梅炒五分。甘草炙四分。水酒各半鍾。浸一夜。平旦溫服。姚僧坦集驗方

又方

夜明砂末三錢。空心溫酒下。經驗秘方

普門醫品卷之三十四終

普門醫品卷之三十五

東武王化貞元起父編輯

門人陳斌憲卿父較閱

小產門

論薛立齋曰。小產重于大產。蓋大產如瓜熟自脫。

小產如生摘。斷其根蒂。豈不重哉。而人

是者多矣。大抵治法宜補形氣。生新血。

主若未足。月痛而欲產。用芎歸補中。

止之。產而血不止。人參黃耆湯補之。產而心腹疼。
當歸川芎湯調之。元氣弱而欲產。八珍湯調之。
血過多而發熱。聖愈湯治之。若汗不止。白朮貝喘
欬。急用獨參湯以托元氣。

凡產後。胎乃氣虛。血虛。血熱。所以黃芩熟艾阿
膠等。為安胎之妙藥。

徐春甫曰。醫家安胎。多用香附砂仁。殊不知血氣
清和。無火煎燥。則胎自安而固。氣虛則提不住。火
盛則血妄行。欲其不墮得乎。香附砂仁。雖云快氣
開鬱。多用則耗真氣。况香燥之性。尤能助火。氣血
兩傷。反速其墮矣。

墮胎多在三月。以三月屬相火。所以易墮。治法須
審某月屬某經。育養而治之。

王節齋曰。婦人半產。多在三個月。五個月。及七個
月。除跌撲損傷不拘外。若前次三個月而墮。則下
次必如期復然。蓋先于此時受傷。故後一六少應

乘其虛也。凡遇有半產者。產後須多服養氣血固
胎元之藥。以補其虛損。及至有胎。須于兩箇半月

後卽服固胎藥十數服。以防三月之墮。至四個月半
月後。又服八九服。防過五月。至六個半月後。服五
七服。以防七月。及至九個月內。服丹溪達生散十
數服。可保無虞。其有連墮數次。胎元損甚者。服藥
須多。不拘前例。如固胎飲。安胎丸。泰山盤石方。俱
可用。多氣加香附。砂仁。有痰加薑製半夏。大要在
于清熱養血。條實黃芩爲安胎聖藥。清熱故也。暑
月宜信用之。養胎全在脾胃。如鐘懸于梁。梁軟則
鐘下墜。梁折則鐘墮矣。故白朮爲安胎主藥。補脾
木香之類。故也。若因氣惱致胎不安者。少加行氣藥。如香附
凡妊娠腰痛。卽是欲墮。可急治之。

通治

千金保孕丸 治婦人有孕。慣墮。服此可免小產之
患。

杜仲四兩。用糯米炒斷絲。川續斷酒洗二兩。爲細
末。山藥煮糊爲丸。如梧桐子大。每服八十五丸。空
心米飲下。忌酒戒惱怒。

泰山盤石方 治婦人稟賦素弱。氣血不足。或肥而不食。或瘦而多熱。或食少勞多。素有墮胎之患。覺受孕後。卽服此。更戒惱怒。少食酒醋辛熱之物。永保無虞。

人參。黃耆。蜜炙。各一錢半。白朮。炒。當歸。酒洗。續斷。酒洗。黃芩。炒。各一錢。川芎。白芍藥。酒拌晒。各八分。糯米一撮。甘草。炙。砂仁。炒。各五分。水鍾半。煎七分。食遠服。三五日。卽用一服。保過四月。卽無慮也。有熱者。倍黃芩。減砂仁。胃弱少食者。加砂仁。減黃芩。

固胎飲 治妊婦氣血俱虛。每至三個月。墮者。服此以固之。

人參。去蘆。黃耆。蜜炙。白朮。炒。條芩。炒。各二錢。當歸。一錢。川芎。白芍藥。炒。各七分。熟地黃。陳皮。各五分。黃連。升麻。柴胡。各四分。糯米八十一粒。薑三片。棗二枚。水二鍾。煎一鍾。空心溫服。

又方

鯉魚二斤。重者一尾。粳米一升。用鹽醬煮食。大能固胎。月食三次。婦人良方。

泰山盤石方 治婦人稟賦素弱。氣血不足。或肥而不食。或瘦而多熱。或食少勞多。素有墮胎之慮。覺受孕後。卽服此。更戒惱怒。少食酒醋辛熱之物。永保無虞。

人參。黃耆。蜜炙。各一錢半。白朮。炒。當歸。酒洗。續斷。酒洗。黃芩。炒。各一錢。川芎。白芍藥。酒拌晒。各八分。糯米一撮。甘草。炙。砂仁。炒。各五分。水鍾半煎七分。食遠服。三五日卽用一服。保過四月卽無慮也。有熱者倍黃芩。減砂仁。胃弱少食者加砂仁。減黃芩。

固胎飲 治妊婦氣血俱虛。每至三個月。墮者。服此以固之。

人參去蘆。黃耆。蜜炙。白朮。炒。條芩。炒。各二錢。當歸一錢。川芎。白芍藥。炒。各七分。熟地黃。陳皮。各五分。黃連。升麻。柴胡。各四分。糯米八十一粒。薑三片。棗二枚。水二鍾煎一鍾。空心溫服。

又方

鯉魚二斤重者一尾。粳米一升。用鹽醬煮食。大能固胎。月食三次。婦人良方。

胎動欲墮。腰痛下血。氣上搶心。

急以菖蒲根搗汁一鍾服之。即効。千金方

安胎丸

立聖散 治胎動欲產下血不止

鷄肝二具好酒一斤煮熟共酒食之大効。產寶

芩歸補中湯 治懷孕血氣不能榮養以致半產服

此可免

方見三十四卷妊娠諸證門安胎條

八珍湯 治元氣虛弱欲致小產服此固之

方見三十三卷經閉門

艾葉湯 治胎動不已勢欲墮已有所見

艾葉阿膠炒成珠當歸酒洗川芎各一兩甘草各

六錢每服五錢水鍾半煎至一鍾去粗入阿膠令

烱停溫服。丹溪方

槐子丸 治妊娠月數未足欲產脹痛

槐子炒蒲黃等分為末煉蜜丸如梧子大溫酒下

三十九丸。大全良方

知母丸 治日月未足欲產腰痛者

知母為末。煉蜜丸。鷄頭子大。每服一九。溫酒嚙下。
或如梧子大。每服二十九。米飲送下。聖惠方

參朮湯 小產後氣血虛損。用此補之。

人參。白朮炒。各一錢。茯苓。歸身酒洗。陳皮。川芎。各
八分。甘草五分。薑棗煎溫服。丹溪方

龍骨散 因用藥傷胎。半產。下血不止。

龍骨煨。當歸身酒洗。熟地黃。各八分。艾葉四分。地
榆。阿膠炒成珠。芍藥炒。乾薑。各六分。蒲黃五分。牛
角總炙焦三分。為末。每服二錢。食前米飲調下。大

全良方

當歸川芎湯 治小產後瘀血。心腹疼。或發熱惡寒。

用當歸酒洗。川芎。自製熟地黃。白芍藥酒炒。各一
錢。玄胡索炒。香附炒。青皮麩炒。澤蘭。牡丹皮。各八
分。桃仁十粒研。紅花五分。水鍾半。入童便酒各小
半鍾。煎八分服。婦人良方

人參黃耆湯 治小產氣虛血下不止。

人參去蘆。黃耆蜜炙。當歸酒洗。白朮炒。白芍藥酒
炒。艾葉各一錢。阿膠炒二錢。水二鍾。薑三片。棗二

普門醫品
核煎八分服 婦人良方

又方

榆白皮炒當歸酒洗焙各半兩生薑三片水二鍾
半煎一鍾溫服 普濟方

又方

桑木中蝎蟲燒末酒服二錢日二服蟲屎亦可 普濟方

濟方

又方

小薊根葉益母草各三兩川水三大碗煎至一盞

去渣再煎至一盞分二服一日服盡 聖濟總錄

獨參湯 治全上

方見三十三卷崩漏門

聖愈湯 治小產去血過多五心煩熱睡臥不寧

自製熟地黄生地黄酒拌黃耆蜜炙人參去蘆川

芎當歸酒洗各一錢水二鍾煎八分服 婦人良方

妊娠貽損下血腹痛

阿膠一兩炒艾葉半兩水一大碗煎半碗服

墮胎下血煩滿寒熱

鹿角鎊炒爲末。每服三錢。水調下。日三服。

又方

鷄翎爲末。每服二錢。溫酒下。以効爲度。

束胎門

論凡妊娠至九月。宜用滑胎湯藥。使胎瘦易產。許學士云。妊娠惟在抑陽助陰。然胎前藥。極惡羣隊。陰陽錯雜。別生他病。惟枳殼散以抑陽。四物湯以助陰。然枳殼散其味多寒。若單服恐致胎寒腹痛。

更以內補丸佐之。則陽不致強。陰不致弱。陰陽調和。胎無不利。餘方俱平和無礙。并錄于後。任人採之。

通治 十三方

枳殼散 能令胎瘦易產。昔湖陽公主每產累日不下。南山道人進此方。

商州枳殼麩炒二兩。大甘草炙一兩。爲末。每服二錢。空心沸湯調服。日三服。孕至七月後宜服之。

徐氏醫按

四物湯 治見論

方見三十三卷調經門

內補丸 補血養胎任婦衝任虛者最宜

自製熟地黃三兩杵膏當歸一兩酒洗炒為末和
丸梧子大每服三四十九溫酒或熱水下

榆白皮散 臨月服之滑胎易產

榆白皮炒甘草炙各二兩葵子一兩為末每服五
錢水煎服

又方

車前子為末或酒或米飲調服二錢日三服

又方

白朮炒枳殼麩炒等分為末米飲丸梧子大入月
每日溫水下三十九胎瘦易產神良 保命集

又方

榆皮焙為末臨月每水服二錢日三服產極易 本草別說

又方

五月五日收赤莧陰乾和馬齒莧為細末等分與

音門醫品
妊娠人常服，即易產。

神寢丸 治全上

通明乳香半兩焙。枳殼麩炒一兩。各爲末。煉蜜丸。梧子大。每服三十九。空心溫酒下。蘄州施少卿方

便產蕪下氣寬膈

枳殼麩炒五兩。甘草炙一兩半。香附子製三兩。爲末。每服二錢。白湯調服。

達生散 八月後服此。扶正氣。散滯氣。虛人尤宜。

大腹皮。當歸。俱酒洗。白朮炒。芍藥炒。人參。陳皮。紫

蘇。各七分。甘草炙五分。水鍾半。煎服。春加川芎。防風。夏加黃芩。五味子。秋加澤瀉。冬加砂仁。上氣倍。紫蘇。性急多怒。加柴胡。黃芩。少食加砂仁。神麴。渴加麥門冬。葛根。饑加黃楊。有痰加半夏。黃芩。腹疼加木香。連用十數服。甚得力。

束胎丸 妊娠八月。胎氣展大。恐難產。用此束之。

條黃芩酒炒。春夏一兩。秋冬五錢。白朮炒三兩。白茯苓七錢半。陳皮二兩。爲細末。米糊爲丸。梧桐子大。每服五十九。白湯下。

又方 第九個月服

黃芩炒一兩。怯弱及食少者減半。白朮一兩炒。枳殼炒七錢半。滑石末飛七錢半。小便多者減用。救生散。胎氣本怯。不宜服枳殼散。用此益氣順胎。易產。

人參。訶子煨去核。白朮炒。神麴。陳皮各一錢。麥芽七分。爲末。每服三錢。水一鍾煎七分。空心服。

順胎飲 妊婦九月以後服此保無驚恐

香附子製四兩。縮砂仁炒三兩。甘草炙一兩。爲末。

每服二錢。米飲下。朱氏集驗方

溫養胎氣 胎至九月邊宜常用

猪肚一枚。如常着五味煮熟食。甚有益。千金髓

保產無憂散 治妊娠身居安逸。口厭甘肥。憂樂不

常。食物不節。致胞胎肥厚。根蒂堅牢。預服此易生。

當歸酒洗。川芎。白芍藥酒炒。枳殼麩炒。乳香各二

錢。木香。甘草炙。血餘。卽髮。灰以豬血和之。各一

錢半爲末。每用三錢。水煎。日二服。神效。醫統

預備符藥及便產事宜俱見下卷

晉門醫品卷之三十一

東武王化貞元起父編輯

門人陳斌憲卿父較閱

臨產須臾

論凡妊婦至臨月。當安神定慮。時當步履不可多。睡飽食過。飲酒醴雜藥。宜先貼產圖。密鋪床帳。預請老練穩婆。備辦湯藥器物。欲產時不可多人喧。闕倉皇。但用老婦二人扶行。及凭物站立。若見漿

水腰腹痛甚。是胎離其經。令產母仰臥。令兒轉身。頭向產門。用藥催生。坐草若心煩。服水調白蜜一匙。覺饑。吃糜粥少許。勿令饑渴。恐乏其力。不可強服催藥。早於坐草。慎之慎之。

凡臨月。不得洗頭濯足。多致產難。不可不知。凡冬末春初。產室用火。衣服尤當溫厚。方免胎寒血結之患。

穩婆須擇老練者。當先施惠。預說與知。倘有生理不順。只說未產。或雙胎。只說胎衣未下。恐驚則氣散。愈難生息。

王子亨難產逆生論。稱犯一切神殺。雖未必盡然。然時日鬼神。先聖立教。必非虛誕。寧信其有。不可自貽後悔。但神殺之類。恐非山野之人。所能盡悉。今擇其簡要者錄之。

凡安產藏衣。並向月德月空方。並從節氣更換。若交次月節。便作次月用。若值閏月。只看節氣用之。如正月在丙壬。可于壬位。產婦床帳。丙位藏衣之類。預寫一圖。貼產房北壁。

月德月空見大統曆

又有禍害方絕命方。不得于其上產。又不得向之。大小便遇懸尸日產。不得攀繩。宜懸馬轡攀之。閉肚方。臨月至滿月。並不得向之。大小便及棄不淨之水。八疰方。產帳不得向之。開門。切須謹之。禍害等方及懸尸日見通書

入月宜預備藥物。如佛手散。治血虛之危證。花蓋石散。黑神散。治血入胞內。脹不得下。或惡露上攻。心疼悶絕。加味芩歸湯。治交骨不開。失笑散。治惡露腹疼不省人事。清魂散。治血暈等證。催生如神

散。治橫生逆產。順生丹。催生符。催生易產。八珍湯。十全大補湯。治難產。勞傷血氣。加味平胃散。腐化死胎。及催生油蜜。冬葵子。益母草。皆為緊要之藥。必不可缺。其斷臍帶。先用線近臍紮緊。帛裹咬斷。如天氣風寒。或難產致兒困危者。先紮臍帶。以油紙撚燒斷。此又為廻生起死之要法也。

楊子建十產論。凡生產先知此十證。庶免子母之命。折於無辜也。○一曰傷產。言胎未足月。有所傷動。以致忽然臍腹疼痛。或服催藥過早。或產母用

力太早。逼兒錯路不能正生。凡分娩須待兒身轉順。頭對產門。努力一送兒卽正生。○二曰催生。言產時兒頭至產門。或漿水已下。方服藥催之。或日久產母困倦難生。宜服藥以助其血氣。令兒速生。○三曰凍產。言天氣寒冷。產母血氣遲滯。不能速生。故衣裳宜厚。產室宜暖。背心宜溫和。庶兒易生。仍以大油紙撚徐徐燒斷臍帶。勿用剪刀。○四曰熱產。言盛暑之月。產婦當溫涼得宜。熱甚則產母頭疼。面赤昏暈。室中人衆。熱氣蒸逼。亦致前患。名

曰血運。若夏月風涼陰雨。亦當謹避。○五曰橫產。兒方轉身。產母用力逼之故也。凡產母當令安然仰臥。穩婆先推兒身順直。頭對產門。以中指探其肩。不令臍帶羈扳。方用藥催之。繼以產母努力。兒卽生。○六曰倒產。言兒尚未轉身。產母努力故也。當令產母仰臥。穩婆推入。候兒自順。若良久不生。令穩婆手入產戶一邊。撥兒轉頭近產門。却服催藥。并努力卽下。○七曰偏產。言兒身未順生路。產母努力逼兒頭偏一邊。產雖露頂非也。乃額角耳。

當令產母仰臥。穩婆輕手正其頭向產門。却令產母努力卽下。若兒頂向後。偏拄。敎道露額。令穩婆以綿衣炙暖。裹手於穀道外。傍輕手推正。令產母努力。兒卽生。○八曰礙產。言兒身已順門路已正。兒頭已露。因兒轉身。臍帶絆其肩。以致不能生。令產母仰臥。穩婆輕推兒向上。以中指按兒肩脫臍帶。仍令兒身正順。產母努力。兒卽生。○九曰坐產。言兒之欲生。當從高處。牢繫手巾一條。令產母以手攀之。轉轉屈坐。令兒生下。不可坐地。抵兒生路。可不知。

附方

○十曰盤纏產。謂臨產子腸先出。然後產子。其腸不收。穩婆以醋水各半盞。嘿喫。產婦面背卽收。不可不知。

佛手散 以下治俱見論

方見三十四卷妊娠諸證門

花蕊石散

失笑散

清魂散

黑神散

八珍湯

十全大補湯

以上六方俱見三十七卷產後諸證門

催生如神散

順生丹

以上二方見本卷催生門

加味芳歸湯

加味平胃散

以上二方見本卷產難門

體玄子借地法 能避一切神殺

入月一日。朱書咒法一幅。貼產婦房內壁上。更不須避忌神殺。咒曰。東借十步。西借十步。南借十步。北借十步。上借十步。下借十步。壁方之中四十餘步。安產借地。或有穢污。或有東海神王。或有北海神王。或有日遊將軍。白虎夫人。遠去十丈。軒轅招。擡舉高十丈。天符地軸。入地十丈。令地空閑。產婦某氏。安居無所妨碍。無所畏忌。諸神擁護。百邪速

法。急急如律令。勅。

催生靈符

卍云 卍云 卍云 卍云

右四符入月一日墨書鞋底上密安產婦褥下

麗 出 麗 麗

右四符以水飛硃砂書之貼於房內北壁上至坐
蓐時將符以針挑就盞內燒化溫水調服

麗 麗 麗 麗
貼產婦
北壁上
麗 麗
貼產婦
枕上

如產婦覺不安穩用水飛硃砂書右符貼之

麗 麗 麗 麗

右三符遇產難以墨書紙上化溫水中吞之

麗 麗 麗 麗

右四符遇胞衣不出以朱砂書紙上化溫水中吞

之俱不可用凉水

催生門

論人生榮枯貴賤。係於生時。得其時則終身富貴。失其時則沒世貧賤。然則命稟于有生之初。豈可催乎。催生之說。蓋為難產而設也。窘迫急難之中。一壺千金。催生符藥。其可少乎。

婦人以血為主。惟氣順則血和。胎安則產順。富貴之家。過於安逸。以致氣滯而胎不轉動。或為交合。使精血聚於胞中。皆致產難。若腹或疼或止。名為弄胎。穩婆不悟。入手試水。致胞破漿乾。兒難轉身。亦難生矣。凡產值痛極。兒逼產門。方可坐草。時當盛暑。或血運血溢。當飲清水解之。

若胎胞破早。血水先乾。或難產勞傷血氣者。金用八珍湯。或十全大補湯。加益母草。不時與服。以協濟之。或黃耆數斤。芎歸四五斤許。太金水煎。藥氣氤氳滿室。使產婦口鼻俱受其氣。

通治

二十方

催生如神散 服之卽生。又治橫生逆產。其功甚大。用百草霜。白芷。各爲末等分。每服三錢。候胎順產門。以童便米醋和如膏。加沸湯調下。或童便共酒煎。連進二服。此藥大能固血。又免血乾甚妙。凡見橫逆不順者。卽急服之。便產方

催生丹 服之易產

臘月取兔腦髓一箇。塗紙上風乾。通明乳香二兩。同研令勻。於臘月初七夜。安桌子上。露星月中。設茶果齋戒焚香。望北拜告曰。大道弟子某。脩合救世上難產婦人藥。願收呼威靈。佑助此藥。速令生產。禱畢。以紙包藥。露一夜。天未明時。以猪肪搗和丸。芡實大。紙袋盛懸透風處。每服一丸。溫醋湯吞下。良久未下。更用冷酒下一丸。卽生。仙方也
經驗方

順生丹 全上

臘月兔腦髓去膜。研如膏。乳香。母丁香。各一兩。麝香一錢。俱研細。用兔腦髓和丸。鷄頭子大。陰乾。每服一丸。溫水吞下。卽生。藥在兒手握中。神驗。婦人良方

催生開骨膏 全上

用猪心血和乳香末。九梧子大。朱砂為衣。面東酒吞一丸。未下再服一丸。或以二丸金嚼。冷酒送下。
婦人良方

催生靈符 全上

法見本卷臨產須知門

催生神驗方 全上

兩手各把石燕一枚。即生。
唐本草

又方

黃蜀葵花。焙研為末。熟湯調服二錢。如無花用子。半合。研末。酒淘去滓。飲之。如漏血乾澁難產。併進三服。良久覺腹中寬。胎滑即下如神。或臨產時以子四十九粒研爛。溫水服之。亦效。
產寶方

又方

蜀葵子三錢。滑石三錢。為末。順流水調服。
本草方

又方

通明乳香一塊。如皂子大為末。腰痛時用冷水入醋少許調服。令人扶立。兩手拏石燕二個。念醫靈

藥聖三遍。行數步。坐草便生。更無痛楚。

本草綱目

又方

路傍破草鞋一隻。洗淨燒灰。酒服二錢。路左生男。路右生女。覆者兒死。側者有驚。屢驗不爽。

胎產方

又方

用臘月兔腦一個。攤紙上陰乾。剪作符子。一面上書生字一個。候腹痛極時。燈上燒灰。煎丁香湯調服。

婦人良方

又方

臘月兔頭煨爲末。蔥白煎湯調二錢。立生。或臘月兔血。紙袋盛掛當風處陰乾。爲末。煎乳香湯調下二錢。或鹿皮和毛燒爲末。酒調下二錢。卽產。如胎衣未下再服。

本草綱目

又方

魚鱧尺許。新瓦上煨研。陳醋調服。立下。

婦人良方

又方

鑿柄木燒灰酒服。或用銃楔亦妙。

藏器本草

又方

用弓弦弩弦縛腰。及燒弩牙納酒中飲之。皆取其快速之義。外臺秘要

又方

五月五日午時。令一人在壁內捧乳鉢。一童子坐壁外持乳香。以筆管自壁縫中逐粒遞過。用鉢研細。水丸。芡子大。每服一九。無灰酒下。簡要濟眾方

催生易產

蓮花一瓣。書人字吞之。即產。

肘後方

又方

蓖麻仁一個。巴豆仁一個。麝香一分。研貼臍中。及

足心。

集簡方

催生勝金散

治人弱難產

鹽豉一兩。以舊青布裹之。燒紅爲末。入麝香五分。秤錘燒紅。淬酒。服二錢。即下。本草綱目

胞漿先乾。胎不得下。

急服大料四物湯。滋其血氣。并濃煎蔥湯。薰洗產戶。更用油燭塗產戶內。却服前藥。薛已方四物湯

方見三十三卷調經門

產難門

生產艱難 橫生逆產 盤腸產
子死腹中 胞衣不下

論產之有難去聲也。由產婦平日起居失宜。或臨時

用力太早。以致生理不順。或橫或逆。可驚可愕。治之失宜。每致子母俱殞。不可不慎。

橫者手先見也。兒轉身未順。用力一逼。致手先出。宜令產母安然仰臥。以針刺兒手心。以鹽擦之。兒手縮入。仍令穩婆推兒身順。以中指摩兒肩。不令臍帶扳碍。則易生也。

逆生足先見也。兒未轉身。產母覺肚疼。即便用力。致一足先出。宜以針刺兒足心。以鹽擦之。候兒自順。若不縮入。令穩婆以手推入。撥轉之。亦有逆而生出者。雙足並下。為踏蓮花生。

盤腸產者。臨產子腸先出。或產畢不收。令人可畏。宜明諭產婦。不必驚惶。慎母傷動。按法治之。隨手而上矣。

有胎死腹中者。多因觸犯禁忌。或驚動太早。或抱腰太重。或頻探試水。胞衣先破。血水乾涸所致。若

已死不下者。其證產母腹冷脹悶。舌青黑。或指甲俱青。甚者口中作屎臭。宜用加味平胃散下之。因熱病胎死者。詳見妊娠諸證門。

胞衣不下者。因氣力疲憊不能努出。或血入衣中。脹大而不能下。以致腹痛喘急。急服花蓋石散。或牛膝散。血散脹消。其衣自下。欲斷臍帶者。須先以小物繫墜。然後斷之。

生產艱難

十九方

生產艱難困欲絕

冬葵子一合搗破。水二升煮汁半升頓服。少時便

產 本草綱目

又方

芒硝末三錢。童子小便溫服。必效。并治死胎不下。有穢下一子。號叫不已。知爲死胎不下。以此灌之。

遂連下四猫 信効方

又方

益母草搗汁七大合。煎減半頓服。卽生。無鮮者以乾者一握煎服。并治胎死腹中卽下。韋宙獨行方

又方

蛇蛻泡水浴產門。自易

寶鑒

又方

酸漿子研末。水吞立產

別錄

又方

赤小豆。生吞七枚佳。有日久氣乏。用赤小豆一升。

水九升。煮取四升。入炙過黃明膠一兩煎。不特服

五合。不過三四服即產

集驗方

又方

產時細嚼馬檳榔數枚。并華水下。須臾立產。再以

四枚去殼。兩手各握二枚。惡水自下

汪機方

又方

臨時持馬銜勒。并煮汁服之。立產

開寶方

又方

法製雲母粉半兩。溫酒調服。入口即產。不順者即

順。萬不失一

積德堂方

平日生產艱難

用海馬一對。帶於身。臨時以兩手握之。即易產

藏

胎漏乾澁難產

香油蜂蜜各一兩同煎數沸溫服胎滑即下胎產須知

難產數日不出

桃仁一個劈開一片書可字一片書出字吞之即

生本草綱目

又方

車軸脂吞大豆許二丸即下逆產者即以其脂塗

兒脚心即順千金方

加味芎歸湯

治難產三五日不下垂死及矮小女

人交骨不開

乾龜殼一個酥炙婦人頭髮一窩燒灰川芎當歸

各一兩每服七錢水煎服如人行五里許再一服

生胎死胎即下摘玄方

婦人難產或死胎不下皆因風熱燥澁結滯緊歛不

能舒緩故也

飛過滑石末六錢甘草末一錢分作二服以香油

入蜜少許調服。甚效。傷寒直格

又方

墨一寸研末。溫水服立下。胎死即出。普濟方

又方

以瞿麥煮濃汁服之。千金方

產難。及胞衣不下。或血槍心。脹刺欲死者

臘月兔皮連毛燒灰。酒服二錢。極效。蘇恭方

婦人難產。及日月未至而產

臨時取夫衣帶五寸。燒為末。酒服之。棍帶更佳。蘇

器本草

橫生逆生 十一方

一切生理不順。或橫或逆

當歸二兩。芎藭一兩。為末。先以大黑豆炒焦。入長

流水一盞。童便一盞。去豆煎一盞。分二服。未効再

服。若胎已死者服之即下。婦人良方

又方

伏龍肝細研。每一錢酒調服。并擦母臍中。仍以針

刺兒手足心。入分許。兒驚轉即回順而生。急救方

又方

人參末。乳香末。各一錢。丹砂末五分。鷄子白一枚。入生薑自然汁三匙。攪勻冷服。即生。婦人良方

又方

取布針十四枚。燒紅。淬酒七遍。飲之。瀕湖方

又方

兔絲子。車前子。等分為末。酒服二錢。聖惠方

又方

葵花為末。酒服二錢。千金方

又方

蛇蛻一具。蟬蛻十四個。頭髮一窩。並燒存性。分二

服。酒下。濟生秘覽

又方

以手中指取金下墨。交畫兒足下。即順。千金方

又方

以鹽塗兒足底。急爬搔之。或以針刺之。仍以布包

熱鹽。摩產婦腹。千金方

秘方益母丸。專治橫生逆產。及難產神効。

五月五日采益母草陰乾。石臼搗末。煉蜜丸如梧子大。每五十九。臨時童便溫酒送下。玉機微義

倒生口噤

冬葵子炒黃為末。酒服二錢。產寶方

積產及胞衣不下

用鐵藥杵燒赤。淬酒飲。自順。大明本草

盤腸產 九方

產時子腸先出。產後不收。名盤腸產。

以半夏末頻搐鼻中。即上也。婦人良方

又方

蓖麻子仁四十九粒。研塗產母頭頂。腸收上。即洗去。其腸若乾。以磨刀溫水少許潤之。再用慈石煎湯服之。即收。

又方

大紙撚。用麻油潤。點着吹滅。以烟薰產婦鼻中。腸即上。

又方

腸出盛。以潔淨漆器。濃煎黃耆湯浸之。腸即上。

產後腸脫不收者

檮枝取皮焙乾一握。水五升。連根蔥五莖。川椒一撮。同煎至三升。去粗。傾盆內。乘熱熏洗。冷則再熱。一服可作五次用。洗後睡少時。忌鹽酢醬麪發風毒物。及用心努力。年深者亦治。
婦人良方

又方

皂莢樹皮。川棟樹皮。各半斤。石蓮子炒去心。皂莢核。各一合。共爲末。以水煎湯。乘熱以物圍定。坐熏洗之。挹乾。便吃補中益氣湯一服。仰睡。
婦人良方

補中益氣方見產後諸證門

又方

香油三斤。煉熟。盆盛。令婦坐盆中。飯時許。先用皂角炙去皮研末。吹少許入鼻。作嚏立上。
斗門方

又方

以五倍子。同白礬。煎湯熏洗。
婦人良方

又方

老鴉蒜葉。如蒜秧。采取一把。以水三碗。煎盪半。去渣薰洗。神効。
危氏得効方

子死腹中

十七方

加味平胃散 治死胎不下

蒼朮。厚朴。陳皮。各錢半。甘草一錢。酒水各一盞。煎至一盞。去粗。投朴消五錢。再煎三五沸。溫服。其胎即化水而出。神驗。如不下者再服。加水銀一錢同煎。更妙。

煎更妙 婦人良方

觀音救生散 治全上

桂末二錢。待痛緊時。童便溫熱調下。亦治難產橫生。加麝香少許。酒下。何氏方

又方

朴消三錢。溫童便調下。猫犬牛畜用之皆驗

又方

鹿角屑三錢。入蔥豉煮湯服之。立出 產乳方

又方

錫粉。水銀。各一錢。棗肉。大豆許。溫水吞下。立出

又方

川芎為末。酒服二錢。死胎即出。不過二服 千金方

又方

以利斧煨赤置酒中待溫飲之便下

又方

麝香當門子一枚桂心末二錢溫酒服本事方

又方

取本婦鞋底炙熱熨腹集玄方

又方

用鬼臼黃色者不拘多少去毛為細末再碾如粉

為度每服一錢無灰酒一盞同煎八分通口服如

神活人無數婦人良方

又方

苦壺蘆燒存性研末每服一錢空心熱酒下綱目

又方

葵子為末酒服二錢黃蜀葵更妙千金方

又方

清油和蜜等分入湯頓服普濟方

柞木飲子 治產難或胎爛腹中脹悶其効如神

柞木 生南方葉小而細齒可作梳本名鑿子木

取嫩枝一尺寸剉甘草大者五寸剉五段用水三

鍾煎一鍾半溫服。若用催生候胎順產門服之立下。更無諸苦。本草綱目

子死腹中。并雙胎一死一生。服之令死者出。生者安。用蟹爪一升。甘草二尺。東流水一斗。以葦薪煮至二升。濾去粗。入真阿膠三兩。令化頓服。或分二服。若人困不能服者。灌入即活。本草綱目

胎死腹中。及胞衣不下。上搶心者。

用雀麥一把。水五升。煮二升。溫服。子母秘錄

胎死不出。胞衣不出。及產後諸疾。狼狽者。

刺羊血熱服。一小盞。極效。聖惠方

胞衣不下。二十二方

花蓋石散。治產後敗血流入胞中。脹滿不下。至死

心頭暖者。急用一服。化水即出。其効如神。

方見三十七卷產後諸證門。

牛膝散。治胎衣不出。腹中脹痛。急服此藥。腐化而

下。緩則不救。

牛膝酒浸。川芎。朴消。蒲黃。各二兩。當歸酒洗一兩。

桂心五錢。每服五錢。生地黃一錢。煎服。婦人良方

又方

蓖麻子仁七個。研爛塗足心。衣下速洗去。遲則腸出。即以此膏塗頂上。腸自入。亦可催生。崔元亮方

又方

百草霜。白芷。等分為末。每服二錢。童便醋各少許。調勻。熱湯化服。不過二服即愈。杜壬方

奪命丹

治瘀血入胞。脹滿難下。急服此藥。血即消

衣自下

附子炮半兩。牡丹皮。乾漆炒令烟盡。各一兩。為細

末。好醋一升。大黃末一兩。同熬成膏。和丸如桐子

大。每十數丸。溫酒下

女科撮要

胎衣不下。惡血冲心

五靈脂半生半炒。研末。每服二錢。溫酒下

產寶方

又方

以本婦髮倒擦口中。令作呃逆聲。即下

孫真人方

治一切胞衣不出

取本婦手足爪甲。燒灰酒服。即令有力。婦人抱起。將竹筒於臍前趕下。聖惠方

又方

取夫單衣蓋井上。立出。婦人良方

又方

以本婦禪覆井上。或以所着衣籠竈上。千金方

又方

鹿角屑為末二錢。薑湯調下。百一方

又方

黑豆一合炒熟。入醋一盞。水一盞煎三五沸。作二三次服。酒煎亦可。婦人良方

又方

竈心土五錢。醋調納臍中。續服甘草湯三四合。產

寶方

又方

紅花酒煮汁。飲二盞。熊氏補遺

又方

蒲黃二錢。溫酒調服。楊氏產乳方

又方

水煮弓弩絃飲汁五合。或燒灰酒服。千金方

又方

以水入醋少許。喫面神效。聖惠方

胎衣不下。經日脹滿至極。

用返魂丹。以炒鹽湯化下。方見血運門。

胞衣不下。困極。

螻蛄一枚。水煮二十沸。灌之下喉。卽出。延年方

又方

蓮蓬殼。酒煮服之。或用荷鼻煎酒服。亦驗。救急方

保生無憂散。治產後氣虛。不能送出胞衣。腹中不

覺脹悶。卽知非瘀血也。宜服此。及益母丸。

當歸。川芎。白芍藥。枳殼。乳香。血餘灰。各等分。每服

三錢。水煎。日二服。女科撮要

三越本館印

支軒對

醫部全錄卷之九

新刊問世



